

盤，二尺劍鋒霜雪寒，一朝出塞君試看，日發寶雞暮長安。^④

①柘黃，謂用柘木所染之色，本天子所服，此謂金人僭號幽州。②滎河溫洛，均在今河南省。旃裘鄉，謂胡人所居之地。胡俗，衣旃衣，披羊裘，故云。③謂戰袍上繡鵬鵠者。④寶雞，長安均地名，在今陝西。又天子所都，通稱長安。

五月十一日夜且半夢從大駕親征盡復漢唐故地見城邑人物繁麗云西涼府也喜甚馬上作長句未終篇而覺乃足成之

天寶胡兵陷兩京，北庭安西^①無漢營。五百年間置不問，聖主下詔初親征。熊羆百萬隨鑾駕，故地不勞傳檄下。築城絕塞進新圖，排仗行宮宣大赦。岡巒極目漢山川，文書初用淳熙^②年。駕前六軍錯錦繡，秋風鼓角聲滿天。苜蓿峯^③前盡亭障，^⑤平安火^⑥在交河^⑦上，涼州^⑧女兒滿高樓，梳頭已學京都樣。

①北庭，漢時北匈奴所居之地。唐設北庭都護府，謂西域也。安西，唐置安西都護府於交河城，在今

制烽候相去三十里每日初夜放炮炮聲以辨平旦言之云々

西寧武縣入桑乾河。⑧涼州地名在今甘肅。

冬夜不寐至四鼓起作此詩

秦吳萬里車轍遍，重到故鄉如隔生。歲晚酒邊身老大，夜闌枕畔書縱橫。殘燈無
焰穴鼠出，槁葉有聲村犬行。八十將軍能滅虜，白頭吾欲事功名。

秋夜泊舟亭山下

逢水逢山到處留，可憐身世寄孤舟。一汀蘋露漁村晚，十里荷花野店秋。羽檄未
聞傳塞外，金椎先報擊衙頭。聞虜會行帳，為壯士所攻，幾不免。虜語謂會之所在為衙頭。煌煌
①太白②高千丈，那得功名取次休。

①煌煌，光明貌。②太白，金星也，天官書謂太白血主兵，又謂主刑殺。

燕堂春夜

南樓統統①下疎更，一點紗籠滿院明。映月疎梅入簾影，讀書稚子隔窗聲。呻吟藥裏身寧久？汎掃胡塵意未平。草檄北征今二紀，山城仍是老書生！游嘗爲丞相陳魯公史樞相張魏公草中原及西夏書檄於都堂。

①統統，擊鼓聲。（統，音耽。）

秋郊有懷二首錄一

楚人①固多孱，妄謂秋可悲。寧知河嶽間，氣俗樂此時。壯士鳴雕弓，健馬嚼枯萁，日馳三百里，榆關赴戰期。陣雲壓龍庭，殺氣搖參旗，②熾火燎狐兔，倒瀉黃金卮，③勒銘燕然④石，千載鎮胡兒。安能空山裏，凍研哦清詩。

①楚辭：「悲哉，秋之爲氣也。」宋玉，楚人。②參旗，星名。③句謂飲酒慶功。④燕然，山名。見岳

飛詩注。

冬夜聞角聲二首錄一

秋思二首錄一

半年閉戶廢登臨，直自春殘病至今。帳外昏燈伴孤夢，簷前寒雨滴愁心。中原形勝關河在，列聖憂勤德澤深。遙想遺民垂泣處，大梁城闕又秋砧。

秋夜將曉出籬門迎涼有感

迢迢天漢^①西南落，喔喔鄰雞一再鳴。壯志病來消欲盡，出門搔首愴平生！
三萬里河東入海，五千仞嶽上摩天，遺民淚盡胡塵裏，南望王師又一年。

^①天漢，猶天河也。

夜讀范至能^①攬轡錄言中原父老見使者多揮涕感其事作絕句

公卿有黨排宗澤，^②帷幄無人用岳飛，遺老不應知此恨，亦逢漢節^③解沾衣。

^①范成大，字致能，宋吳縣人，隆興中使金，秉節盡忠，著有攬轡錄。

^②宗澤，字汝霖，宋義烏人，有文

武才略，建炎初爲東京留守，大破金兵，屢上疏高宗請歸汴，爲黃潛善等所沮，憂憤而死。

^③漢節，

猶言漢使，此指宋使言。

十一月四日風雨大作

僵臥孤村不自哀，尙思爲國戍輪臺。①夜闌臥聽風吹雨，鐵馬冰河入夢來。

①輪臺，西域地名，在今新疆。

癸丑七月二十七日夜夢遊華嶽廟

驛樹秋風急，關城暮角悲。平生忠憤意，來拜華山祠。
牲碑僞正朔，祠祝虜衣冠。神亦豈堪此，出門山雨寒。

僕頃在征西大幕登高望關輔樂之每冀王師拓定得卜居焉暇日記此意

以示子孫

八月殘暑退，秋聲滿庭樹。豈無四方志，衰病迫霜露。遼東黃頭奴，①稔惡天震怒。
南北會當一，老吾悲不遇。子孫勉西遷，俗厚吾所慕。約已收孤嫠，教子立門戶。黍

夢至洛中觀牡丹繁麗溢日覺而有感

兩京初駕小羊車，顛頓江湖歲月賒。老去已忘天下事，夢中猶看洛陽花。①妖魂
豔骨②千年在，朱彈金鞭③一笑譁。寄語氍毹莫癡絕，祈連④還汝舊風沙。

①洛陽花，牡丹之一種。

②妖魂艷骨，謂牡丹繁麗。

③朱彈金鞭，謂游人之豪侈也。

④祈連，山

名，即天山。此泛指塞外漠北言。

題陽關圖①

誰畫陽關贈別詩，斷腸如在渭橋②時。荒城孤驛夢千里，遠水斜陽天四垂。青史
功名常蹭蹬，③白頭襟抱足乖離。山河未復胡塵暗，一寸孤愁只自知。

①陽關，古關名，在今甘肅。蓋有人本王維渭城朝雨之曲畫圖，而放翁爲之題。

②渭橋，蓋古送別

之處。③蹭蹬，失勢貌，不遇之意。

枕上偶成

放臣不復望脩門，身寄江頭黃葉村。酒渴喜聞疎雨滴，夢回愁對一燈昏。河潼形勢寧終棄？周漢規模要細論。自恨不如雲際雁，南來猶得過中原！

暮春

數間茆屋鏡湖濱，萬卷藏書不救貧。燕去燕來還過日，花開花落卽經春。開編喜見平生友，照水驚非曩歲人。自笑滅胡心尙在，憑高慷慨欲忘身。

不寐

麗譙^①聽盡短長更，幽夢無端故不成。寒雨似從心上滴，孤燈偏向枕邊明。讀書有味身忘老，報國無期涕每傾。敢爲衰殘便虛死，誓先鄰曲事春耕。

^①麗譙，高樓之美麗者，亦作譙樓解。

客去追記坐間所言

征西幙罷幾經春，歎息兒音尙帶秦。每爲後生談舊事，始知老子是陳人。建隆乾

追憶征西幙中舊事

大散關①頭北望秦，自期談笑掃胡塵。收身死向農桑社，何止明明兩世人。

①大散關，即散關，在今陝西寶雞縣西南，爲秦蜀往來要道。

小獵南山雪未消，繡旗斜卷玉驄驕。不如意事常千萬，空想先鋒宿渭橋。

憶昨王師戍隴回，遺民日夜望行臺。①不論夾道壺漿滿，洛筍河魴②次第來。

①行臺謂於外州置尙書省以專征討之責者也。②洛筍河魴，原注云：「在南鄭時，關中將吏有

獻此二物者。」

關輔①遺民意可傷，蠟封三寸絹書黃。②亦知虜法如秦酷，列聖恩深不忍忘。

①關輔，謂關中三輔之地。②原注云：關中將校密報事，皆以蠟書至宣司。

縱筆

行省當年駐隴頭，腐儒隨牒亦西遊。千艘衝雪魚關①曉，萬竈連雲駱谷②秋。天

道難知胡更熾，神州未復士堪羞！會須瀝血書封事，請報天家。③九世讎。④

①魚關，不詳，或指魚孔隘言。②駱谷，在今陝西。③天家，謂天子。④九世復讎，本公羊傳語言

雖隔九世，猶可復仇也。此指復金仇言。

秋夜思南鄭①軍中

五丈原②頭刁斗聲，秋風又到亞夫③營。昔如埋劍常思出，今作閑雲不計程。盛

事何由觀北伐，④後人誰可繼西平？⑤眼昏不禁陳編得，挑盡殘燈不肯明。

①南鄭，地名，在今陝西省。②五丈原，地名，在今陝西，昔諸葛亮伐魏，駐此。③亞夫，謂周亞夫，漢

沛人，封條侯。文帝時，匈奴入邊，亞夫屯軍細柳，文帝勞軍，稱為真將軍。④北伐謂伐金。⑤西平

謂西平郡王李晟，晟，字良器，唐臨潭人。平吐蕃有功，稱萬人敵，後破朱泚，收復長安，再造唐室，封西

平郡王。

客從城中來

示兒

死去元知萬事空，但悲不見九州同。王師北定中原日，家祭無忘告乃翁！

陳傅良

傅良，字君舉，居瑞安之帆游鄉，學于永嘉薛氏，得伊洛之旨，又從南軒東萊聞爲學大要。爲太學錄，累遷至嘉王府贊讀，龍樓閣問寢不時，獨切諫，每以天性感悟孝宗父子。後知上意弗回，遂乞歸。寧宗初，除中書，與朱子同朝，疏留朱子，爲韓侂胄所忌，遂罷去。

除夜

又添犬馬齒，^①常恐牛羊夕。^②牙無數株牢，鬢已大半白。六朝貴人家，珊瑚高數尺。復有陵邑豪，沃壤動連陌，居然燕巢幙，^③忽矣駒過隙。伊傅^④亦中壽，至今名赫赫。蒼苔臥風雨，曾乏斷碑額。中原五十載，胡騎亂禹跡，^⑤誰當嬾折腰，去學陶彭澤。^⑥憂端壓不下，中夜歌秀麥。^⑦昭代豈無人，腰黃^⑧眼前赤，鴻儒籌禁省，壯士守邊場。罷歌且盃酒，澆此懷抱積。柴門剝剝聲，已有賀年客。

（猶言中國也。）

⑥陶淵明，晉尋陽人，為彭澤令，以不願為五斗米向督郵折腰棄官去。

⑦麥

秀，謂麥秀歌。見前岳飛驟馬岡詩註。

⑧腰黃，謂金帶。

送曾繼先赴山陰路鈴①

鬚髯白盡猶強飮，②腍肉添多未跨鞍。不向胡沙親矢石，卻來橋塚③護衣冠。歸

舟自此長相背，薦墨④於今尙未乾。只恐燕然⑤他日事，獨無名字可同刊。

①路鈴，官名。

②飮，俗飯字。

③橋塚，謂橋山之冢，本黃帝陵。此指南宋越中陵墓。（衣冠謂衣冠

塚，相傳黃帝升天，羣臣取其衣冠埋之為塚。）

④薦墨，謂薦書。

⑤燕然，見前陸游秋夜有懷詩

註。二句謂不戰沙場，不能立功異域。

楊萬里

萬里，字廷秀，吉水人，中紹興進士，爲零陵丞。張浚勉以正心誠意之學，遂自名其室曰誠齋。歷官國學太常，知漳州、常州，擢東宮侍讀，以議配饗忤孝宗，出知筠州。光宗召爲祕書監，尋出江東轉運，總領淮西江東朝議行鐵錢，萬里不奉詔，改贛州，乞祠，自是不復出。韓侂胄築南園，屬爲記，許以掖垣，曰：官可棄，記不可得。侂胄權日盛，遂憂憤成疾，家人不敢進邸報，適族子自外至，言侂胄近狀，萬里慟哭，呼紙書曰：姦臣專權，謀危社稷，吾頭顱如許，報國無路，惟有孤憤別妻子，筆落而逝。年八十三，諡文節。

讀罪己詔 ① 時有符離之潰

莫讀輪臺詔，^②令人點淚垂。天平容此虜，帝者謁非羆。何罪良家子，知他大將誰。

誰懲危度口，^③儻復雁門踦。^④危度口見光武紀二年注

① 孝宗隆興元年五月，張浚有符離之潰，帝下詔罪己。 ② 輪臺詔，猶言罪己詔。漢書西域傳贊：

守數年，坐事免。及復爲都護，谷永戒之曰：「願吾子因循舊貫，毋求奇功，終更亟還，亦足以復雁門之騎。」

亂起吾降，音烘日，吾將強仕年。①中原仍夢裏，南紀且愁邊。陛下非常主，羣公莫自

賢。金臺②尙未築，乃至羨強燕。

①強仕年，謂四十禮。「四十曰強而仕。」

②金臺，謂黃金臺。戰國時燕昭王欲招賢以強燕，郭隗

以千里馬骨可致駿足爲喻，請王先禮隗，昭王從之，築臺易水東南，置千金其上，延天下士，號黃金臺，其後樂毅、鄒衍皆至燕。

只道六朝窄，渠猶數百春。國家祖宗澤，天地發生仁。歷服端傳遠，君王但側身。①

楚人要能懼，周命正維新。②

①側身，言戒慎恐懼，不能安其身也。②二句用楚子問鼎故事，言周德雖衰，天命未改，楚子不應

問鼎之輕重，以喻宋尙有爲，胡人未許輕易南侵也。

樓 鑰

鑰，字大防，自號攻媿主人，鄞人也。登第歷太府宗正寺丞，出知溫州。光宗初，累擢中書舍人，進吏部尚書，以顯謨閣學士奉外祠奪職。韓侂胄誅，復官，兼翰林侍講，除端明殿大學士，位兩府五年，進資政殿大學士，卒諡宣獻。

題龍眠^①畫騎射抱毬戲

綠楊幾枝插平沙，柔梢裊裊隨風斜。紅綃去地不及尺，錦袍壯士斫髮射。橫磨箭鋒滿分靶，一箭正截紅綃下。前騎長纓抱繡毬，後騎射中如星流。繡毬飛硯最難射，十中三四稱爲優。元豐^②策士集英殿，金門應奉人方倦。日長因過衛士班，飛騎如雲人馬健。駕幸寶津^③知有日，窮景馳驅欣縱觀。龍眠胸中空萬馬，駭目洞心千萬變。追圖大概寫當時，至今想像如親見。靜中似有叱咤聲，墨淡猶疑錦繡眩。閑窗撫卷三嘆息，五紀胡塵暗畿甸。安得士馬有如此，長驅爲決單于戰。

武部尙書張公，出鎮襄陽，士夫莫不惜其去。昔昌黎送鄭尙書詩韻必以來字，祝使成政而來歸，疾去而願歸，蓋人之至情也。而公自受隆委，謂邊事非可趣辦，願加久任，庶有成績，憂國而不爲身謀，聞者壯之。某曾陪郎省，餞別分韻，得壤字，未能措辭，繼又隨西蜀諸賢之後，始得詳聞奏請之言。被酒夜歸，亟述長韻。

公家忠獻公，^①勛名照穹壤。南軒^②傳聖學，後進斗山^③仰。尙書天分高，百聞真朗朗。日坐四益堂，濡染助涵養。小出輒驚世，發譽自英蕩。兩朝倚才辦，三接承睿獎。堂堂尹京手，風采漢張敞。^④九街寢桴鼓，終朝清訟鈿。^⑤汗流化清溝，鬧市鋤巨駟。^⑥鈴齋^⑦晝無人，士友厚吾黨。政成化自行，談笑揮浩穰。^⑧皇家重閩寄，^⑨拊髀^⑩勞注想。頗牧^⑪起禁中，帝曰汝其往。人多惜公去，地位切臺兩。^⑫惟公不擇地，引義猶慨慷。陬度^⑬更周詢，千里若尋丈。再拜受臨遣，因得進忠讜。邊臣固多事，備禦當素講。要須久其任，百弊隨剗斲。願假臣歲月，表裏如指掌。人材固不

乏，第一戒欺罔。樸拙勝巧心，好佞寧木彊。願求忠直士，枉直謹誅賞。更須寬轡策，
奏請應如響。上問卿何先，安靜最爲上。上憂襄漢間，吳楚欠遮障。公固論形勢，哀
哀到遜抗。⑤是時晉在洛，武昌勢相向。是爲必爭地，南北謹提防。今雖居上游，事
與古殊狀。狂寇縱欲來，無處可傳餉。況今三陲靜，皇靈方遠暢。與蜀相犄角，國勢
自增壯。尙期効寸尺，才疎意非廣。忠肝氣凜凜，秋旻足排蕩。上喜憂顧寬，趣行開
玉帳。捐金示優寵，諭賜煩上相。惟公最得士，離別俱惘惘。薦紳紛祖餞，直欲傾家
釀。賦詩寫胸臆，一一成技癢。家聲與國事，負荷有餘量。邊頭十萬兵，公臨如挾纊。
吾聞胡運窮，羣酋欲爭長。不戢將自焚，前轍有狂湯。⑥當爲不可勝，有和謹毋倡。
千載羊叔子，⑦制敵恢天網。行將友斯人，山川固無恙。備成撫機動，應煩護諸將。
功高歸未晚，會見登弼亮。⑧他時名父子，繼踵凌烟⑨像。

①張杓，（一作杓）字定叟，浚子，宋綿竹人。以父恩累官至袁衢二府，提舉湖北，常入奏事，孝宗甚

閣，後開府治戎。學者稱南軒先生。④斗山謂泰山北斗，人所瞻仰者。⑤張敞，字子高，漢平陽人。

宣帝時為京兆尹，桴鼓稀鳴，市無偷盜。然無威儀，又為婦畫眉，長安中傳張京兆眉嫵。⑥鈔，受錢

器也。趙廣漢為潁川太守，教民為鈔，以受民之詞訟。訟鈔，猶言詞訟也。⑦駟，謂市井間牙儈之

狡黠者，猶無賴也。⑧鈴齋，猶言鈴閣，謂將帥所居之地。（鈴通鈴，亦作鈴閣。）⑨浩穰，謂人衆

多也。漢書「長安中浩穰。」顏師古註曰：「浩，大也。穰，盛也。言人衆之多也。」⑩閭寄，言委以治

軍之事也。⑪撫髀，劉備故事，備曰：「吾常身不離鞍，髀肉皆消。今不復騎，髀裏肉生。日月若馳，老

將至矣，而功業不建，是以悲耳！」⑫頗牧，謂廉頗李牧，均戰國時趙之名將。⑬臺兩，喻大臣也。

周禮有「九兩」，漢官有「三臺」。⑭陬度，陬，隅也。度，量度也。「陬度」與前「周詢」對言。

⑮遜抗，謂陸遜、陸抗。遜，字伯言，三國時吳郡人。仕吳為輔國大將軍，官至丞相。抗，遜次子，襲父爵，仕

至奮威將軍，拜大司馬。父子均曾為荊州牧，長才貞節，為一時名將。⑯狂煬，不詳。⑰羊祜，字叔

子，晉南城人。晉武時鎮襄陽，綏懷遠近，深得江漢之心。與陸抗對境，務修德以懷吳人，官至征南大

將軍。⑱弼亮，猶言輔佐。書「弼亮四世，正色率下。」註「輔佐文武，成康四世為公卿。」⑲凌

烟，謂凌烟閣，唐太宗圖畫功臣於上。

李伸之

伸之，官統制，爲金人所獲，不屈死。

劉祁歸潛志：貞祐（金宣宗年號）南征，獲一統制官李伸之者，帥府經歷官劉達卿召而飲之，且誘以降，將宥焉，伸之獻詩云云，竟就死。

獻帥府經歷

一飯感恩無地報，此心許國已天知。胸中千古蟠鍾阜，一死鴻毛^①斷不移。

^①鴻毛，言死有輕于鴻毛。

黃公度

公度，字師憲，莆田人。紹興八年，進士第一，簽書平海軍節度判官，累仕考功員外郎，有知稼翁集。

和龔實之茂良聞虜人敗盟

請纓①未繫單于頸，置火須然董卓②臍。列郡奔馳喧羽檄，聖朝哀痛下芝泥。③
盟寒關隴無來使，春晚江淮有戰聲。十載枕邊憂國淚，不堪幽夢破晨雞。

①請纓，見前劉子翬四不忍詩註。

②董卓，字仲穎，漢臨洮人。桓靈時擅朝政，立獻帝，後為王允等

所殺，尸于市。卓素充肥，守尸吏然火置卓臍中，光明積日。

③芝泥，濡印染籀之具也，猶今印泥。此

喻詔書。

劉克莊

克莊，字潛夫，號後村，莆陽人。以蔭仕爲建陽令，移仙都。嘗咏落梅詩，有東君謬掌花權柄，卻忌孤高不主張。讒者箋其詩以示柄臣，由此閑廢十載。因有病後訪梅絕句云：夢得因桃卻左遷，長源爲柳忤當權；幸然不識桃并柳，也被梅花累十年。淳祐中賜同進士出身，官至直學士，卒諡文定。有後村集。

感昔二首

談攻說守漫多端，誰把先朝事細看。棄夏①西陲忘險要，失燕北面受風寒。傍無公議扶种李，②中有流言阻范韓。③寄語深衣④揮麈者，身經日擊始知難。

①夏，謂西夏，本姓拓跋，唐賜姓李；世爲夏州節度使，宋時元昊稱帝，國號大夏，史稱西夏，據有今內蒙鄂爾多斯阿拉善及甘肅西北部，世爲宋邊患，後爲蒙古所滅。②种李，謂种師道、李綱。种師道，字叔彞，知兵有謀，巍然有柱石之望，靖康中拒金兵有功。李綱，字伯紀，邵武人。歷仕徽、欽、高三朝，位

時嘗言士當先天下之憂而憂後天下之樂而樂其以天下自任如此守延安時夏人相戒莫敢犯日小范老子胸中自有數萬甲兵韓琦安陽人字稚圭仁宗時西夏反琦爲陝西經略招討使與范仲淹率兵拒戰久在兵間名重當時後爲相臨大事決大議不動聲色執政十年光輔三主社稷臣也。④深衣士大夫之服揮塵言揮塵尾拂也晉人好清談每揮塵尾以爲談助。

先皇立國用文儒奇士多爲筆墨拘。澶水①歸來邊奏少熙河②捷外戰功無。生前上亦知強至③死後人方誅尹洙④。螻蟻小臣孤憤意夜窗和淚看輿圖。

①澶水謂澶淵宋真宗時遼人入寇寇準請帝親征遂幸澶州遼乃奉書請盟罷兵去。②熙河地

名宋與西夏交界處。③強至字幾聖宋錢唐人慶歷進士爲文簡古不徇俗宰相韓琦欲薦充館

閣不果終祠部郎中。④尹洙字師魯宋河南人天聖進士遷太子中允會范仲淹貶洙奏仲淹臣

之師友仲淹被罪臣不可苟免出監唐州酒稅自西夏不庭洙常在兵間性內剛外和博學有識度爲文簡練有法世稱河南先生。

書事二首錄一

人道山東入職方，①書生膽小慮空長。遺民似蟻飢難給，俠士如鷹飽易揚。未見
馳車修寢廟，先聞鑄印拜侯王。青齊父老應流涕，何日鸞旗②駐路旁！

①職方，官名，主四方者。句謂宋收復山東。 ②鸞旗，天子之旗。

夢豐宅之①二首錄一

一別茫茫隔九京，夢中慷慨語如生。老猶奮筆排和議，病尙登陴募救兵。天奪偉
人關氣數，時無好漢共功名。殘明仍在王師老，寶劍雖埋憤未平。

①豐有俊，字宅之，宋鄞人。紹熙進士，累官知揚州，所至有聲。

寄何立可①提刑

故人握節守齊安，②聞說邊頭事愈難。赤手募丁修險隘，白頭擐甲禦風寒。半腰
城甫包圍畢，一把兵皆點摘殘。收得去年書在架，憶君燈下展來看。

①何立可，仕履不詳。 ②齊安，地名，在今湖北黃岡附近。

壯士如騎出渥洼。死眠牖下等蟲沙。老儒細爲兒郎說，名將皆因戰起家。

①渥洼，水名，在今甘肅，產馬之處。

聞何立可李茂欽訃二首

初聞邊報暗吞聲，想見登譙與虜爭。世俗今猶疑許遠，
①君王元未識真卿。②傷心百口同臨穴，極目孤城絕救兵。多少虎臣提將印，誰知戰死是書生！

①許遠，唐玄宗時拜睢陽太守，累加防禦使，適張巡將兵三千至，遠與合兵拒賊，（安祿山）以自

才不及巡，請稟軍事，而居其下，專治軍糧戰具，被圍數月，糧盡無援，城陷，與巡俱被執，不屈死。②

顏真卿，字清臣，唐臨沂人。玄宗時爲平原太守，安祿山反，獨倡義討之，亂平，封魯國公。德宗時慰喻

李希烈，持節不屈，爲所縊殺。

何老長身李白鬚，傳聞死尙握州符。戰場便合營雙廟，太學今方出二儒。史館何人徵逸事，羽林無日訪遺孤。病夫疇昔曾同幕，西望關山涕自濡！
原注二君皆舊同官

題忠勇廟

隨庵漫錄：紹定庚寅春，汀寇入譙，趙守竄，殿司裨將胡斌領弱卒二百，巷戰，矢盡刀折，易雙鐵鞭，所殺尤衆，死焉。坐執雙鞭，屢日不僵，民賴其力，多獲竄免。守臣王埜聞于朝，贈武節大夫，贈廟額忠勇士各全軀命，惟侯視死輕。張巡①鬚盡怒，先軫②面如生。短刃猶梟寇，空卷③尙背城。新祠簫鼓盛，人敬比神明。

①張巡，見前滕茂實詩註。 ②先軫，春秋晉大夫。秦伐鄭，襄公從軫之謀，敗秦師于殽，獲秦將以歸，公從文嬴請釋之，軫聞之怒，不顧而唾。狄伐晉，軫曰：「匹夫逞志于君，而無討，敢不自討乎？」免胄入狄師死焉。狄人歸其元，面如生。 ③卷，連弩也。

王庭珪

庭珪，字民瞻，宋安福人。政和八年進士。紹興中胡銓上疏乞斬檜，謫新州，庭珪獨以詩送行，坐訕謗流夜郎。檜死，許自便。孝宗召對內殿，除直敷文閣。有瀘溪集。

張持操攜徐獻之侍郎書見訪兼出示著述中輿論諸雜文為賦詩一首以

文軸還之他日亦錄寄獻之也

君不能徒步上書獻天子，又不能移書帝城結王公。欲將筆力扛九鼎，紙上有說能平戎。宣和①治極久忘戰，羯奴騎馬嘶淮甸。②是時猶屯百萬師，無人北向放一箭。大臣搏手知何為，草間公卿兒女啼。至今謀國無上策，讀君斷稿令人悲。君家人物照青汗，③曲江④猶識胡雛亂。他年論事要回天，應向荊州尋好漢。

①宣和，宋徽宗年號。

②句謂遼金入寇，淮水一帶被擾。

③汗青，言書之史策也。古時以火炙簡

令汗，取其青易書，謂之汗青。

④曲江，謂張九齡。玄宗時安祿山討奚契丹敗，帝欲曲宥。九齡曰：

「祿山喪師，不可不誅，且勿誅後必爲患。」帝不聽，後祿山反，帝遷蜀，思其言，爲之流涕。

送宣向卿往衡山兼寄胡康侯^①侍講

海內甲馬未盡休，豪英爲時當出謀。天生奇才必有用，何乃相率居巖幽！胡公人品今第一，汗漫久作朱陵游。朱陵窟宅倚蒼翠，此公招隱安可留。九廟今誰起頽壓，四方正爾煩誅求。我聞昔時元刺史，^②春陵^③地分天子憂。少陵^④作詩頌其事，至今人傳元道州。公爲道州績猶偉，誰爲再作春陵謳。孤城疲卒捍狂賊，高論力詆庸兒羞。安知如公數十輩，參錯天下爲邦侯。京洛腥羶不難掃，潢池^⑤寇孽不難收。願公早請尙方劍，^⑥先斬佞臣張禹^⑦頭。

①胡安國，字康侯，宋崇安人。紹聖進士，高宗時以張浚薦，除中書舍人，兼侍講，獻時政論二十一篇，尋以疾求去。謝良佐稱其如大冬嚴雪，百草萎死而松柏獨秀。卒諡文定。

②元結，字次山，後魏之

裔。舉天寶進士，肅宗召見，上時議三篇，帝悅之。後歸樊上，著書自娛，晚拜道州刺史，免徭役，收流亡，

進受學宮，各吏，身兼贊，妥定諸州，民樂其效，至立石頌德。

③春陵，地名，在今湖南。

④少陵，

謂村甫 ⑤潢池漢書一故使陛下赤子盜弄陛下之兵于潢池中耳 此言海濱羣盜爲寇無異

于幼兒私竊兵器戲弄于池塘之畔，非有重大之罪也。今通諭作寇盜解。 ⑥尙方劍，猶尙方斬馬

劍。尙方，作供御器物之官，斬馬劍，劍利可以斬馬也。漢成帝時槐里令朱雲請賜尙方斬馬劍，斬安

昌侯張禹。 ⑦張禹字子文，漢河內人，封安昌侯。

戴復古

復古，字式之，號石屏，黃巖人。嘗登陸放翁之門，以詩鳴江湖間。有石屏集。

嘉定甲戌孟秋二十有七起居舍人兼直學士院真德秀^①上殿直前奏邊事不顧忌諱一疏萬言援引古今鋪陳方略忠誼感激辭章浩瀚誠有補于國家天台戴復古獲見此疏伏讀再三竊有所感敬效白樂天體以紀其事錄于野史

禁城雞唱金門開，起居舍人攜疏來。榻前一奏一萬字，歷歷寫出忠義懷。頓首惶
恐臣昧死，越錄敢言天下事。百年河洛行胡朔，恨滿東南天一角。夷甫^②諸人責
未酬，志士愁眠劍鋒落。天意未回事難舉，鄉來一試成千誤。犬羊頻歲自相屠，^③
盛衰大抵由天數。昨臣銜命出疆時，自期有去必無歸。屈膝穹廬當憤死，天相孤

忠半道回。金山^④之下長江水，擊戰中流書壯志。東風吹上妙高臺，^⑤略望江淮

臣今未暇論規恢，胡虜已亡何慮哉！中原曠地無人管，政恐英雄生草萊。北方苦饑民骨立，萬一東來竊吾粟。邊頭諸州無鐵壁，借問誰能備倉卒？請朝廷厲精兵，擇良將；辦多多，策上上；更選人材，老練通達；分守要衝，講明方略。一賢可作萬里城，一人可當百萬兵。坐令國勢九鼎重，所賴君心一點明。長牒奏徹龍顏悅，繼言臣愚進此說，言雖鄙，用甚切，宸斷必行天下福。勿謂儒生論迂闊，臣之肝膽與人別，讀書豈爲文章設。王師若出定中原，玉堂⑥敢艸平羌策。

①嘉定，宋寧宗年號。起居舍人，官名。真德秀，字景元，後改希元，宋浦城人。慶元進士，官至參知政事，世稱西山先生，諡文忠。其學以朱子爲宗，自韓侂胄設僞學之禁，以錮善類，而其後正學得以復明者，德秀之力也。②王衍，字夷甫，晉臨沂人。神姿高徹，而好清談。總角時，山濤見而奇之，曰：「何物老嫗，生此寧馨兒。然誤天下蒼生者，未必非此人也。」③句謂金元互相攻伐，金勢日蹙。④金山，山名，在江蘇丹徒縣西北。本名浮玉山，以裴頭陀開山得金，因名。⑤妙高臺，在金山絕頂，形勝第一，宋僧了元建，亦名晒經臺。⑥玉堂，官署名，宋時指翰林官署。

題徐京伯通判北征詩卷

一襟忠誼氣，數首北征詩。不許公卿見，徒爲篋笥奇。銜枚衝夜雪，擊楫渡江時。此志無人共，愁吟兩鬢絲。

楊由義

由義，字宜之，宋開封人。避地鹽官，以父蔭補官，隆興初以閣門祇候使金，不屈而還，孝宗嗟嘆。徽國朱文公會受業焉。

弔王忠肅①

太原城下屹行宮，雲樹龍蔥掩碧空。鐵馬無聲汾水②急，滿天風雨泣英雄！海寧

縣志

①王稟，字正孫，宋開封人。靖康初總軍太原，金人入寇，稟提孤軍由平陽應援，自春至秋救援不至，城陷，抗辭罵賊，赴火死。
②汾水，源出山西寧武，流經太原府境，轉入黃河。

林宋偉

宋偉，字力叟，號橘園。

題忠毅姚公^①廟

梅磻詩話，紹興辛巳之冬，金主亮傾國入寇，如林之族，充塞淮甸，尉子橋之戰，大將王權先遁，統領姚興，獨以所部四百騎當虜六十萬，自辰至午，凡十戰，斃數百人。虜相謂曰：「使更數人如此，吾曹何可當！」權不遣一卒援，部將戴皋亦玩視不救，興竟沒于陣。朝廷憫其忠，厚加恤典，謚忠毅，立廟淮甸，迄今血食。橘園林宋偉力叟題四絕于廟。

赤心許國自平時，見敵捐軀更不疑。權忌皋庸^②皆遁走，同時死難只青獅^③。

^①姚興，宋相州人，靖康中以武功累遷荆湖南路兵馬副都監。金人渝盟，王權遣興拒之，與金兵遇，

揮兵力戰，救援不至，父子俱死，謚忠毅。

^②權謂王權，當時大將，皋謂戴皋，王部將也。

^③青獅，姚

興馬名，姚每親飼之，若通其語言，時取斗酒投大盆中，與馬同飲，曰：「吾與汝同力報國！」竟與馬

唐少卿日出寶刀。鉞在漫血冷侵斗神。鉞瀟瀟衝星斗。未許豐城劍氣高。

①耕者得姚所用大刀，重六十斤。②豐城劍氣，晉書：吳未滅時，斗牛之間，常有紫氣，後張華以問

雷煥，煥曰：「斗牛之間有異氣，是寶劍之精，上徹于天耳。」華以煥為豐城令，掘獄基得雙劍，一曰

龍泉，一曰太阿。自是牛斗間氣不復見。

歲歲烝嘗九月期，①西風笳鼓萬人悲。山邊走馬神旗閃，遙望君侯復下來。

①姚興生重九日，軍民祀之。

兩日經行舊戰場，卻來祠下謁堂堂。偷生諸將今何在，萬古英靈獨耿光。

周 洎

洎，字子及，宋天台人，乾道二年進士，官國子監主簿。

拜卞忠貞①墓

晉鼎艱危②，姦人窺，孰謀國者如兒嬉。陷奔弗設，延虎貔，虓鬪搏噬，嬰者摧③，羣
 公奔潰，不敢誰。卞公力疾起督師，謂事迫矣，奚生爲？以肉餵虎，吁可悲！公則死矣
 二子隨。偉哉忠孝萃一時，維公忠義天所資。向來謀國如著龜④，不用吾言至于
 斯，爲社稷死則死之。冶城之麓，江之湄，荒冢突兀，兀餘豐碑。半生讀史，長歎欷，拜公
 之墓，涕霑頤，死者可作吾誰歸！嗟哉江左固多士，往往所欠惟一死。元規⑤，兒輩
 何足罪，王公⑥，偪仄石頭裏。氣息奄奄，有如泉下鬼。蘇武⑦，之節不如是，視公胡
 不類有泚⑧，男子之死一言耳，死而不亡公父子。建康志

奮怒如虎也。虓，虎怒鳴也。闕，虎聲搏擊也。噬，嚙也。嬰，當也。④著龜，古占卜之具，此喻謀國有先見之明，如著龜之示兆也。⑤庾亮，字元規，晉鄆陵人。風格整潔，動由禮節。初拜中書郎，累遷中書監。成帝初，蘇峻反，亮鎮蕪湖，郭默反，亮率步騎討之，遷征西將軍，謚文康。⑥王公疑指王導，導字茂弘，元帝爲瑯琊王時，導知天下將亂，勸王招賢共事。及卽位，參與機務，朝野傾心。後受遺詔扶幼主。歷事三朝，出將入相，頗有功績。石頭城，卽今南京，東晉都此。⑦蘇武，字子卿，漢杜陵人。武帝時以中郎將使匈奴，被留居海上，嚙雪吞氈，仗節牧羝十九年，得還。昭帝拜典屬國，宣帝時賜爵關內侯。⑧穎有泚，猶言慚愧汗顏，語本孟子。

陳文龍

文龍，字志忠，一字君賁，宋興化軍人。咸淳四年廷對第一，累遷參知政事。元兵至杭，文龍乞歸養。益王立于福州，復拜參知政事，充閩廣宣撫使，卽興化軍開闢，元兵攻城，通判曹澄孫降，俘至杭，餓死，諡忠肅。

元兵俘至合沙詩寄仲子

斗壘孤危勢不支，書生守志定難移。自經溝瀆非吾事，臣死封疆是此時。須信纍囚堪釁鼓，^①未聞烈士樹降旗。一門百指淪胥盡，唯有丹衷天地知。

^①釁鼓，古戰爭時，殺牲以祭，以血塗鼓也。此喻自身被俘，生死不顧，雖以釁鼓，亦所不辭。

文天祥

天祥生時夢紫雲，故名雲孫，天祥其字也。寶祐乙卯以字貢，遂改字宋瑞，又字履善，吉州廬陵人。廷對第五，理宗擢第一。德祐乙亥，元兵渡江，奉詔起兵，除右文殿樞密，權兵部，屯兵洪詔，兼知平江府，常州破，朝議棄平江，趣天祥移守餘杭。丙子正月，伯顏兵至高亭，陳宜中、張世傑皆遁，乃除右丞相，兼樞密，至北軍講解，遂爲所留，而臨安降表已出，伯顏即脅隨祈請使北行。至京口脫走，趨真州，謀合兩淮作興復計，而制置李庭芝疑拒之，復從揚州逃至高郵，崎嶇數瀕死，得渡海道至台溫，奉益王子福州，督諸路軍，號召天下，由汀漳入梅州，戰雩都，大捷，因開府興國，元兵大至，旋潰，妻子皆陷。及衛王立，欲移軍入朝，而宜中世傑忌阻之，第加少保信國公。張宏範破厓山，令弘正襲執天祥，服腦子二兩不死，繫至燕，不屈，被囚四年而志愈堅，遂遇害。衣帶有贊曰：「孔曰成仁，孟曰取義，惟其義盡，所以仁至。讀聖賢書，所學何事，而今而後，庶幾無愧。」有指南錄三卷，皆奉使脫難興復記事之詩，又有吟嘯集，則囚燕所作。

紀事

原序曰：正月二十日晚，北留予營中，云北朝處分，皆面奉聖旨。南朝每傳聖旨而使，者實未曾得到簾前。今程鵬飛面奏大皇，親聽處分。程回日，卻與丞相商量大事，畢歸闕。既而失信，予直前責虜會，辭色甚厲，不復顧死。譯者再四失辭，予迫之益急。大會怒且愧，諸會羣起呵斥，予益自奮，文煥輩勸予去。虜之左右，皆喑喑嗟嘆，稱男子心。

狼心那顧歆銅盤，舌在縱橫擊可汗。自分身爲齏粉碎，虜中方作丈夫看。

杜架閣二首之一

原序曰：天台杜澣，字貴卿，糾合四千人，欲救王室，當國者不知省。正月十三日，見予于西湖上，予嘉其志，頗獎異之。十九日，客贊予使北，杜斷斷不可，客逐之去。予果爲北所留，後二十日，驅予北行，諸客皆散，杜憐予孤苦，慨然相從，天下義士也。

仗節辭王室，悠悠萬里轅。諸君皆雨別，一士獨星言。①啼鳥亂人意，落花銷客魂。
東坡愛巢谷，②頗恨晚登門。

①巢谷，字元修，眉山人。東坡謫嶺海，谷往訪之，至新州病死。

原序略云：余脫走入真州，苗守出李龍眠畫漢蘇武忠節圖求予題咏，撫卷淒涼，浩氣憤發，慨慷激烈，有去國思君之念矣，遂賦三詩，書于卷後。時丙子三月二日也。

忽報忠圖紀歲華，東風吹淚落天涯。蘇卿更有歸時國，老相兼無去後家。烈士喪元心不易，達人知命事何嗟。生平愛覽忠臣傳，不爲吾身亦陷車。

獨伴羝羊海上游，相逢血淚向天流。忠真已向生前定，老節須從死後休。不死未論生可喜，雖生何恨死堪憂。甘心賣國人何處，曾識蘇公義膽不！

漠漠愁雲海戍迷，十年何事望京師。李陵^①罪在偷生日，蘇武功成未死時。鐵石心存無鏡變，君臣義重與天期。縱饒夜久胡塵暗，百煉丹心涅不緇。

^①李陵，字少卿，漢隴西人。少爲侍中，善騎射，愛人下士。武帝時，伐匈奴，以少敵衆，後援不至，力竭降。帝聞之，族陵家。

過零丁洋